

Baskiana linguo

Baska (en Baska: *Euskera*) konsideresas un di la maxim antiqua lingui di Europa. Ol havas nula simileso kun altra Europana lingui. Lua historio esas poke konocita. Esas skribita kun latinal alfabeto.

Dum yarcenti, Baska linguo recevis influi (specale vorti) di Latina, Hispaniana, Franciana e Gaskoniana lingui, ma la gramatikala strukturo esas unika.

Pri l'origino di ta linguo, nunatempe uzata po quar kinimi en Hispania e po un kinimo en Francia, la misterio ne esis ja klarigita. Longatempe on kredis ke ta linguo esis la lasta restajo di la linguo dil Iberi, primitiva tribuo di la peninsulo Iberiana. Kompari facesis kun la lingua chamito-semidala quale la Berbera, kun diversa lingui Amerindiana, kun la Japona o la lingui Kaukazana. Ica lasta hipotezo esas nune maxim aceptita.

On parolas ta linguo - nomizata da la Baski "Euskara" od "Eskuara" en Hispania, en parto dil provinci Biscaye, Alava, Guipuzcoa e Navara ed en Francia, en la distrikto di Bayonne e parto di ta di Oloron. La granda ekmigromovadi dil XIXma yarcento e dil komenco dil XXma, esis la fonto di komunesi Baska en la Peninsulo Iberiana tre longatempe ante l'invadi indo-europana; ta linguo esis atestita skribe de la Xma yar-cento, ma nur en kelka frazi desfacile interpretenda od en loko-nomi. L'unesma libro en Baska evas de 1545.

Ica pagino uzas kontenajo de la revuo Progreso (<http://www.ido.li/index.php/ULI/Progreso>) numero 310, publikigita sub la Creative Commons Licence 2.0.

Baskiana linguo (*Euskara*)

Parolata en: nord-Hispania, sud-westa Francia

Regiono: Europa

Nombro di parolanti: 700.000 (1ma linguo) 1,03 milioni (1ma e 2ma linguo)

Oficala stando

Oficala linguo en: Stato di Baskia, en Hispania

Regulata da: Euskaltzaindia

Kodexi

ISO 639-1: eu

ISO 639-2: eus



Dialekti dil baskiano

Videz anke: – Linguaro

Extera ligili

- Pri la Baskiana (<http://www.reocities.com/Paris/Rue/8009/baskalinguo.html>)

Obtenita de "https://io.wikipedia.org/w/index.php?title=Baskiana_linguo&oldid=914500"

Ica pagino modifikesis ye 11:22, 2 jul. 2017.

La texto esas disponebla sub la *Creative Commons Attribution-ShareAlike License*; suplementala reguli forsan aplikesas. Videz Reguli pri uzo por detali.